

Bugis - Kitta'è - Protection Scriptures

Hizkièl 3:18 - Yakobus 5:19,20 Saudara-saudaraku! Rèkko ri yelle'mu engka sèddi tau iya dè'enna naccowèriwi pappagguruwanna Jehovah, nainappa sèddiè tau laing mèbbui iyaro tauwè lisu ri Jehovah, 20 èngngerangngi iyaè aya'èwè: Tau iya mèbbuèngngi tau madosaè balè' polè ri lalenna iya salaè, iyaro tauwè napassalama'i nyawana tau madosaèro polè ri amatèngngè sibawa nassabariwi maèga dosa riyaddampengeng. Salama, Yakobus.

Roma 12:21 Aja' muleppessangngi alèmu ricau ri majae, iyakiya sitinajai Saudara caui jaè sibawa adècèngeng.

Mazmur 143:8,10 - Johanes 14:26 Iyakiya Rohna Jehovah, Pattulung iya nasuroè matu Ambo'è ri laleng asek-Ku, Alèna matu pagguruko sini-sininnaè sibawa parèngngerangiko lao ri sininna iya puraè Upaissengiko.

Mazmur 94:12 - Johanes 16:13 Iyakiya rèkko polèni iyaro Roh-è, iyanaritu iya pannessaèngngi atongengengngè passalenna Jehovah, Napimpikko matu untu' missengngi sininna atongengengngè. Dè'na nabbicara matu polè ri Alèna iyakiya napowadai aga pura naèngkalinga, sibawa napaissengiko matu aga maèloè kajajiyang ri esso ri munri.

Rapang 27:12 - 1 Korintus 10:13 Tungke' paccobang iya napèneddingiyè Saudara iyanaritu paccobang iya biyasaè napèneddingi rupa tauwè. Iyakiya matinului Jehovah ri jancin-Na. Dè' naleppessangngi Saudara ricobai lebbi na iya pakkulèmmu. Ri wettu nakennana Saudara paccobang, nawèrèkko matu laleng untu' mancaji mawatang kuwammengngi Saudara naullèi mattahang.

Filipi 2:15/16 Nanallalengiro muwappaitangngi makkedaè iko iyanaritu ana'-ana'na Jehovah iya dè'è gaga cellana, iya tuwoè sibawa matinulu enrengngè tongeng ri tengnga-tengngana tau majae sibawa madosaè. Na wettunna mupalettu lao ri mennang biritta iya mabbèrè atuwong, sitinajako mancaji lao ri mennang pada-pada cahaya iya mattappaè tajangiwi linoè. Rèkko tuwoko pada-padaèro, engkana matu alasang ri iyya untu' marasa mingki passalemmu ri Essona Yèsus Kristus polè paimeng. Iyanaro buttinna makkedaè perjuwangekku dè' nasiya-siya sibawa usahaku engka wassèlè'na.

Yèsaya 49:4 - Galatia 4:11 Bata-bataka, ajakkè turuppuse'ku untu' iko siya-siyai bawang.

Ibrani 13:21 Tennapodo Jehovah assalenna asalèwangengngèro passukkuko sibawa sininna iya makessingngè iya muwapparelluwangngè untu' pogau'i èlo-Na. Tennapodo naolai Yèsus Kristus, najamai Jehovah ri laleng idi, aga iya Nacinnaiyè. Sitinajai Kristus ripoji mannennungeng! Aming.

1 Korintus 16:15 Tentu Saudara naisseng Stèfanus sibawa kaluwargana; mennang ritu tau iya bunge'-bunge'è mancaji Kristèng ri Akhaya. Sukku atinna mennang majjamai banna untu' tumaningiwi umma'na Jehovah.

Filipi 1:27 Iya pentingngè iyanaritu makkedaè tuwoko situru aga iya natuntu'è Karèba Madècèng passalenna iyaro Kristus. Rimakkuwannanaro, wedding mupaga siruntu'ka iko iyarè'ga dè', uwèngkalingai matu makkedaè masse'ko massèddi enrengngè massibawa mèwa untu' banna sèddi akkatta sibawa sèddi pangèloreng; iyanaritu untu' ateppereng iya sicoco'è sibawa Karèba Madècèng polè ri Jehovahro.

1 Korintus 15:58 Rimakkuwannanaro, Saudara-saudara iya uwamasèiyè, sitinajako mawatang sibawa makkamasè. Ajjamani' matteru untu' Puwangngè sibawa mattonget-tongeng, saba' muwissenni makkedaè sininna iya mupogau'è untu' Puwangngè, dè' nasiya-siya matu.

Kolose 4:12 Selleng polè ri Epafras. Polè towi ri yelle'mu. Atannai Kristus Yèsus, iya tuli masempajangngè sibawa matonget-tongeng untu' iko. Naèllauwi sibawa masero lao ri Jehovah kuwammengngi na atepperemmu mancaji mawatangngi sibawa tonget-tongekko dèwasa, kuwammengngi sukkoko matinulu lao ri èlona Jehovah.

Yèremia 15:20 - Roma 8:31 Agana wedding ripowada makkekkuwangngè passalenna iya manennaro? Rèkko engkai Jehovah ri idi, nigana mullèi mèwaki?

Yèremia 15:21 - Matius 6:13 Aja' taleppessakki ateddèngeng ateppereng wettutta ricobai, iyakiya taleppessakki polè ri akuwasanna iya mappèjariyè. Ikona Arung makuwasa sibawa malebbi lettu mannennungeng. Amin.'

Mazmur 55:18 - 1 Johanes 4:4 Iyakiya Ana'-ana'ku, appunnangennako Jehovah. Purani mucau nabi-nabi palsuè, saba' Roh iya engkaè ri iko lebbi makuwasai naiya roh iya engkaè risining tau iya appunnangenna linoèwè.

Hizkièl 30:24 - Lukas 1:51 Nasibawang liman-Na iya mawatangngè napassara-sarangngi tau matempoè, sibawa nakacauwi rancanana mennang.

Wahyu 3:18 Rimakkuwannanaro Upangajariko kuwammengngi melli ulaweng polè ri Iyya, iyanaritu ulaweng iya tulèngngè, kuwammengngi mumancaji sugi. Elli tokko pakèyang putè polè ri Iyya kuwammengngi muwappakèyang enrengngè tongkoi keadaammu iya mallusu-lusuè sibawa mappakasiri-siriè. Sibawa elli tokko pabbura untu' riyassapuwang ri matammu kuwammengngi namuwullèi makkita.

1 Johanes 3:17 Sèddiè tau iya agennekengngè mitai saudarana akurangeng, iyakiya dè' namaèlo tulungngi saudaranaro, pèkkugi iyaro tauwè mullèi makkeda makkedaè namasèiwi Jehovah?

Yèsaya 50:4 - Lukas 21:15 Alèku matu mpèrèkko iyaro ada-adaè sibawa pangissengengngè, angkanna dè' sèddi tau polè risining balimmu mullèi mèwa iyarè'ga massakkarengngi aga mupowada.

Efesus 6:10-12 Paccappurennna, sitinajako mancaji mawatang sibawa awatangeng iya mulolongengngè polè ri akuwasanna Puwangngè, nasaba massèddiko sibawa Alèna. 11 Pakèi sininna parèwa musu iya nawèrèngngèkko Jehovah, kuwammengngi muwullèi mattahang mèwai siyasa'-siyasa'na Ibillisi' iya malengngoè. 12 Saba' mammusuki tenniya mèwai tolinoè, sangadinna mèwai awatangenna sininna sètangngè iya makuwasaiyèngngi wettu iya majaewè. Riyèwai awatangenna roh-roh majae iya makuwasaiyèngngi langiè.

Mazmur 18:39 - 1 Korintus 15:25 Harusu'i Kristus mapparènta matteru narapi Jehovah napatunru' maneng balinna Kristus lao ri Kristus.

2 Samuèl 22:40 - Kolose 1:11 ennapodo nasibawang akuwasang polè ri Jehovah iya marajaè, ripèwatangiko angkanna muwullèi manrasarasaiwi sini-sininnaè sibawa sabbara enrengngè masennang ati

Mazmur 89:43 - Efesus 6:13,14 Rimakkuwannanaro, makkekkuwangngè, pakèni sininna parèwa iya nabbèryangngè Jehovah, kuwammengngi na ri esso iya majae, muwullèi mèwai seranganna baliè. Sibawa kuwammengngi napuramu mammusu lettu ri paccappurennna, mawatang mupo naporè. 14 Sitinajako sadia. Pakèi atinulurengngè lao ri Jehovah selaku babbang, sibawa apatongngè selaku baju bessimmu.

Hizkièl 13:6 - Markus 13:22 Saba' maèga pappassalama' palsu sibawa nabi-nabi palsu polè matu. Napogau'i matu pangkaukeng-pangkaukeng dè'e padanna sibawa mappahèrangngè untu' pabengnguwang rèkko naullèi, umma'na Jehovah.

1 Korintus 14:8 Sèuwa conto iya laingngèssi: Rèkko sembarangngi ripaoni tarompè'è, nigana maèlo sadia untu' mammusu?

Lukas 10:19 Issenni! Pura Uwèrènno akuwasang kuwammengngi mullèi

mallèjja'i ulaè sibawa dokkèngngè enrengngè lemmaiwi awatangenna sininna baliè, nadè' gaga sèuwa mullèi cilakaiko.

2 Korintus 7:10 Saba' amessèng iya pada-padaèro powassèlè'i atappinrang ati iya mappapolè asalamakeng. Nadè' nassesse kalè matu tauwè lao ri gau'èro. Sibalè'na, amessèng iya situruè èlona tolinoè powassèlè'i amatèng.

2 Timotius 2:25,26 Harusu'i nasibawang lemma kininnawa pagguri sining tauwè iya pojiyèngngi mèwa; memmuwarè Jehovah mpèrèngngi wettu lao risining tauwèro untu' toba' polè ri dosa-dosana mennang sibawa missengngi pappagguruwang iya tongengngè. 26 Nanallalengiro namainge' mennang paimeng, sibawa leppe' polè ri siyo-siyona Ibillisi' iya puraè tawangngi mennang sibawa passai mennang maccowèriwi èlona.

Nèhèmia 4:15 - Riwaya'na Rasul-Rasul-E 5:38 Jaji makkekkuwangngè ri laleng kajajiyangngèwè, pangajaku iyanaritu: aja'na mugaukengngi agi-agì sining tauwèwè, leppessangngi siya mennang. Saba' rèkko pappagguruwanna sibawa gerakanna mennang polèri tolinoè, tentuni iyaro pappagguruwangngè sibawa gerakangngè lennye'i matti.

Mazmur 73:24 - Yakobus 1:5 Rèkko engka sèddi tau ri yelle'mu iya makurang panrè, sitinajai naèllau ri Jehovah, na Jehovah mpèrèngngi matu apanrèng ri alèna; saba' lao ri tungke' tau, mabbèrèi Jehovah sibawa makacuwa enrengngè paressè babuwa.

Yèrèmia 1:18 - as a defenced city, and an iron pillar, and brasen walls against evil Yèrèmia 6:27 - as a tower & fortress

Mazmur 76:3 - God break weapons & battle

Lèwiè 26:19 - God break the pride of your power; & make heaven as iron, & earth as brass: Lèwiè 26:37 - no power to stand

Deuteronomy 23:5 God turn curse into blessing

2 Arungngè 19:34 God defend

Ayub 15:24 ready to battle

1 Chronicles 12:8 fit for battle

1 Chronicles 12:33,38 expert in war, keep rank